

欽定八旗通志卷一百三十六

人物志十六

大臣傳二

滿洲鑲黃旗二 納爾察 伊勒模

古爾布什

鄂齊爾桑

覺羅色勒

阿哈尼堪

索海

哈什屯

武顏

阿刺善

達素

巴山

納爾察

子瑚沙

納爾察姓鈕祜祿世居蘇克素護河之安圖

國初來歸授騎都尉世職隸滿洲鑲紅旗後改隸鑲

黃旗戊申歲從

太祖高皇帝征烏喇攻宜罕山城先登克之由叅領擢副都統列十六大臣後攻沙嶺不待大軍獨進歿於陣以長子佛索里襲騎都尉順治十二年

世祖章皇帝追念納爾察宣力行間著有勞績衝冒鋒鏑盡瘁捐軀

特賜諡端壯視一品大臣例立碑墓道次子瑚沙初任佐領

太宗文皇帝天聰六年後征明入大同與前鋒叅領圖魯

什等偵敵遇敵四百人瑚沙彎弓躍馬馳入陣敵
皆披靡畧地至崞縣又擊敗敵衆崇德三年隨貝
勒岳託征明同叅領鰲拜先驅遇明騎兵三百突
出搏戰以入騎擊卻之復率左翼前鋒兵過燕京
畧山東明總兵黃某及太監高起潛率衆來拒瑚
沙同佐領羅什等連戰皆捷追北數十里先是佛
索里以不勝任革世職至是

命瑚沙襲父騎都尉職任前鋒叅領六年從征錦州轉戰

松山杏山間屢有斬獲七年加一雲騎尉世職是
年十月貝勒阿巴泰征明

上命瑚沙隨右翼大軍行俟入邊還報軍事十一月大軍
入界嶺口屢敗敵瑚沙還奏明年春同前鋒統領
努山等率兵九十赴界嶺口偵迎大軍俘獲敵卒
無算順治元年四月隨睿親王多爾袞征流賊李
自成率本旗前鋒敗賊將唐通於一片石追擊自
成至望都復與前鋒統領席特庫誘賊來戰夾擊

破之六月同都統葉臣征山西至汾州同參領道喇圖爾賽等破賊將白輝兵二年隨英親王阿濟格征陝西攻克綏德州及延安府有佐領哈爾漢俄班駐守南山爲賊所襲戰沒瑚沙率數騎突入取屍以還會自成奔湖廣追剿至安陸府擊敗賊將邵章獲其船東至九江口與席特庫率前鋒二十人破賊營追敗之於九宮山復同參領蘇拜希爾根捕剿賊黨斬首二千餘級是年敘功晉世職

三等輕車都尉三年隨肅親王豪格征流賊張獻忠過漢中擊敗叛鎮賀珍兵獻忠自西充引衆迎戰瑚沙奮擊敗之五年敘功晉二等輕車都尉六年隨鄭親王濟爾哈朗征湖南時明桂王朱由榔據廣西其總督何騰蛟守湘潭我兵旣克長沙渡江攻之前鋒兵薄城敵分三門出戰瑚沙與席特庫破其城西兵生擒騰蛟敵潰散遂下湘潭於是衡州寶慶永州辰州諸郡縣皆以次攻克迺

恩詔晉爵爲二等男九年九月擢鑲黃旗蒙古副都統奉
命同學士蘇納海往朝鮮鞠獄十一年兼任工部侍郎明
年擢本旗蒙古都統別議政大臣十五年隨信郡
王多尼征雲南十六年追勅明桂王朱由榔於永
昌十七年凱旋以永昌初下時弗留兵守門聽軍
士入城擾民降爵爲三等男康熙三年卒

賜祭葬分世職爲二以第五子瑚弼圖襲一等輕車都尉

次子碩伯海襲騎都尉

伊勒愼

伊勒愼姓費莫世居薩齊庫烏喇攻薩齊庫降其
衆伊勒愼遂率所屬六部來歸後隸滿洲鑲黃旗
兄曰古蘇

太祖高皇帝戊申年征烏喇

命古蘇招降斐悠城策穆特諸部烏喇惡之盡俘殺古蘇
妻子

太祖念其家以歸誠被害授伊勒愼騎都尉世職尋從征

明有功加三等輕車都尉又以沙嶺戰功加二等
輕車都尉天聰五年七月奉

命統兵鎮海州時明邊將竄伺濟陽屢縱士卒入遼河採

捕伊勒慎旣之鎮密爲防禦嚴偵緝設遊哨率所
部駕輕舟追斬遁逃先後收獲人戶及舟艦器械
無算七年九月敘功並以從征旅順口多斬馘加
一等輕車都尉崇德元年四月晉三等男九月明
將造巨艦百餘橫截遼河爲戰禦計伊勒慎與各

守將烈列渾索薩等沿河分立營寨別遣兵遷移
近邊居民仍率將士設伏河口執其謀者以獻明
兵望風引遁由此不敢犯四年十一月同刑部承
政索海等征瓦爾喀部陣獲噶凌阿及餘黨二百
餘人旣而伊勒慎監守俘囚疎防脫逃烏喇博穆
博果爾復糾衆來攻伊勒慎先衆敗走索海等擊
破賊衆伊勒慎又不于汛地邀擊坐視博穆博果
爾及餘衆遁去論罪應死

詔革職鞭百籍其家六年十二月鑲紅旗大臣哈哈納勒
伊勒慎防守海口時託言祭天則多魚苛斂兵丁
財物及私造浮圖諸劣蹟勘實復論死仍奉

旨鞭百八年六月復鎮海州順治元年八月

命爲牛莊城守官二年卒年七十有九子郎圖隨征薩哈
連烏喇陣亡

卹贈騎都尉世職

古爾布什

金史卷一百一十五
古爾布什姓博爾濟吉特世居西喇木楞本蒙古
喀爾喀台吉也

太祖高皇帝天命六年偕台吉莽果爾率所屬六百戶驅
牲畜來歸俱授爵三等子隸滿洲鑲黃旗子古爾
布什滿洲蒙古各三百人俾任佐領尙公主爲額
駙

賜諱卓理克圖號天聰五年

太宗文皇帝親統師征明圍大凌河城明監軍道張春以

兵赴援古爾布什與額駙恩格德爾等禦戰弗力
論罪應削爵

上念其自外藩歸順功免罪罰鞍馬一白金百兩尋擢兵
部承政崇德元年隨征朝鮮明年朝鮮國王李倧
降大軍征明皮島旣凱旋以古爾布什於朝鮮王
謂

上時亂班釋甲又私攜從役隨征論罰鉅繼以失察所管
佐領下俄齊爾桑罪狀論罰奪所轄丁壯三年更

定官制改兵部右叅政有護軍洪科訐都統阿山
之子塞赫隨征明昌平臨陣退避古爾布什奉
命勘訊不令塞赫訴辨憑洪科所訐定讞法司以古爾布
什與洪科爲姻親徇情偏袒議降秩

詔從寬罰鍰四年

上命理事官星飛傳集蒙古官之舊隸喀爾喀察哈爾者
星飛悞傳八旗都統及諸王貝勒下護衛法司議
星飛罪並論古爾布什知蒙古官未集不卽奏明

宣召諭罰如例六年應征明錦州敗敵於寧遠明年再圍錦州敵兵犯我壕塹古爾布什擊走之後因失察護軍功罪論罰得

旨寬免

敏惠恭和元妃之喪輔國公扎喀納以歌舞軍中獲罪部議古爾布什以和碩額駙之親不行訶禁又不奏聞應削爵籍家產半

上復免之

世祖章皇帝順治元年古爾布什隨睿親王多爾袞入山海關擊敗流賊李自成明年敘功晉爵二等子七年九年兩遇

恩詔晉一等子世襲十八年正月卒年六十有五

賜祭葬如典禮諡敏襄子色楞襲爵

鄂齊爾桑

鄂齊爾桑姓博爾濟吉特蒙古扎魯特部長巴克之子也

太祖高皇帝天命六年巴克爲我師所擒鄂齊爾桑來請
爲質釋其父還

上許之八年巴克來朝

上遣鄂齊爾桑與俱還

太宗文皇帝卽位以扎魯特諸部背約附明

命大貝勒代善統師征之斬倡叛者擒巴克及其族拉什

希布等並以鄂齊爾桑至皆隸滿洲鑲黃旗

賜衣服器用有差授鄂齊爾桑爲佐領尋從征董夔有斬